

高

陽

集

高陽集文卷之二十

高陽孫承宗雅純書

問人茅元儀止生駁

尺牘下

諭帖

諭魯叅將之甲將軍沉略深心百凡謹慎所捕  
生口既無尋問者便可收牧但要約束官兵勿  
妄生事端至閭邊捕殺不禁也特諭

答吳本如總督

桑酋之部紛紛乞增于額外而額內繕架百猶  
示備卽撫金急需上請惟候大旆嚴臨爲計耳  
擬向西來一閱諸乘障吏遂得仰聆指教而新  
撫軍未有期也徒有只且耳依切

柬馬總戎

關外出防之兵當計向來出防數酌其勞逸爲  
先後此時所在要挾宜以兵勢先折其萌未可  
姑徐徐也賊所狂肆之地依舊單薄可速計之

答袁山石

陶士行以運船作典。船曰總是公家物。僕竊欲  
効之。門下更欲以兵船作運船。亦自便計。獨念  
兵非用之水。當爲陸練。卽其用之水。當東習水。  
道而人驚于利。競相希冀。至夾帶爲奸利。當致  
紛紛就中推諉。揜和似難究詰。此久戍無事之  
計。如目前果爲大計。則此法似未得便行。門下  
可悉心計之。船爲實用。何如。豐政自可如此。惟  
速之爲利。數城諸將好作事者。亦曾不聞有豐  
饒論。意可知也。兄可蚤計拱首。要惟兄調停力。

卽高臺堡亦當以無事爲福目今風雨時若公  
私俱曰再得款撫無恙而大家畢力一場是同  
鑿深願也兄居外久爲念且每欲面諸種種急  
不可得

### 答山石道

念此中大計則門下當辭山石而專寧前乃可  
有爲其種種俱遼之急要不獨後遼上後也撫  
辭門下誰能爲計此不獨清其費而一操一縱  
實心月光明藏乃可耳讀閣下光陰人命

之說儼然爲念也願悉念爲之仍當與門下細  
論

答毛文龍總兵

念將軍壯猷遠略所履何地而忍不爲之計乎  
報捷員役想悉鄙意也然外搯之而不能深則  
彼之堅自若數肄之而不能入則我之計且窮  
又况乎兵糧未足將士或虛未必其數肄而數  
搯之也究竟當何如將軍觀天人相與之際得  
無意乎鮮人事一開本閭部卽爲深計令登萊

曰此當令毛將軍做人情便可停妥而就中節目不必煩瑣目今可定也一水盈盈企思可饒每見儀牘從來未受將軍可檢入毋爲役人乾渡

答尤總兵

惟門下平心氣以重此身僕所望門下不在一時有勇氣也虎膽當爲索之

答客雲道葉兵備

蘇得山略寧城而不煩西顧倚有深心大力于

重地也顧安得煩借此一段心力爲東重乎彼  
較英英雲日爲懷矣糧之兵敢湯爲借以費老  
聞僕之愛若臂而許之殊未敢受也向願曰當  
急時或不慙爲用耳敢以護行而留之作此孟  
浪貴屬兵馬關隘部署新舊多寡緩急之數及  
各該文武之在兵者煩節略見教不必爲高文  
大冊也懸切

答白完白

一流人好硬坐是非或斷章取意或栽木移花



令不知者駭然而是非之實自不可誣脫消冰  
釋公道定不盡淆而況事跡昭然白日者獨未  
悉于此時矣有此論肝腸是何向第于線縷緣  
由殊未解也敢不爲年兄深慮

東薛正亭開府

出楚向高牙爲蜀黔司命西南半壁唯是壯猷  
大略爲支撐耳以僕之謏薄冒結孱膽寧無黏  
壁之誦乎公祖何以緒餘爲救也

東吳御史關院之仁

今天下自是全盛而危疆之苦如同舟遇風唯  
是理舵持檣或可帆檣無恙儻載來載呼各顧  
行李幾不胥溺矣念唯壯猷大略社稷式憑而  
清轡遙臨竚見旌旂生色是又危疆相依爲命  
也迂拙腐儒徒懷肝膽既不能仰釋主上憂  
勞將何以塞天下士大夫同舟遠念昔李伯紀  
曰臣既行之後無阻難無讒謗無錢糧不足之  
患則進而死敵臣之願也萬一有朝廷執議不  
堅臣自度不能有所爲卽須告陛下求代罷去

陛下亦宜察臣孤忠以全君臣之義僕三復此  
言殊愧伯紀矣

答徐知府

設有公費將一切供應取給焉豈其留公費爲  
節省之名而予小民以加派之實乎業與幕僚  
言槩以諸役從公費矣且幕中諸君子行以匹  
馬相從原未敢一一爲騷也僕以僑居故不敢  
輒爲紛更然此之紛更想吾輩不咎也年來秋  
毫無益于地方而收爲地少累

答劉橫海親丈

念惟仁兄以真懇慈衷運精明大略蓋朱轡紫  
馬所至止頓成福澤第方苦維婁中何得遊部  
下稱太平也信來悉起居閨宅清吉且大政旁  
達上下交頌正可力圖有成而忍言宅適乎歲  
餘嬰其鳴矣似可耐此駒隙也

答王霽宇

念光儀漸遠頓失師程獨有奉忠蓋之極思作  
顛危之鈐記耳尋常處皆敢煩典記之詞敬拜

一帛附謝

答鄧環丘荊撫

唯翁文以開濟深心抒華天大略念節鉞儼臨  
旌旗變色夷徭復手函真可爲邊人醒發至曰  
誓不以妻子功名之念忽封疆利害之圖而倦  
切于講張酤毒真立身冰玉之中矢念埃壘之  
外矣敢不佩爲韋弦哉僕嘗與畢白陽張蓬玄  
言吾輩身不入利害中不親心不超利害外不  
遠乃今聞大教信之年來環邊防權人耳目雖

摘要言是癡腸人一再讀所爲涕覆面也鎖鑰  
餘籌與惟賴藉而望霑雲可勝爲社稷慶

答寧前道表

此何地敢愛其身此何地敢不愛其身得手教  
乃快此倦切也當瘁喆時願惟少加靜息自愛  
正以愛此地耳種種計略俱爲穩切不可恃必  
不可無兵間要妙惟所運設乃舟車道路細加  
體察何高何深何遠何近未可臆度者須一一  
明了幸一一籌策爲望

答馬總戎

杆武營車器如可蚤完便可出就已發之兵如  
車器未可頗成便當撤前兵回營以就訓練但  
忽出忽入似非事體可酌量有說方可

答吏侍李湘洲

竊念 主上聖明當有真豪傑爲聲應更念翁  
一出頓關運數將社稷式憑之寧獨光山啓爲  
蒲徵雪虛聲也一行抱關無復心快偶聞大疏  
知台駕過大河不覺破頰衆語曰天下自此平

矣惟中諸君子獨無意乎以寤寐思服而亦不以一介仰候唯翁諒此倡不也

又

兵事微而實粗也要于台教所云事力將備以需瑕寧見瑕而後備凡備盡戰具也而實爲守世遂曰夫夫將爲大且安得一流兼材而用之諸君子肯明指庸迂逐之去宗且九頓謝適小疏曰百計同仇翻成自用一籌未展已見輕敵知翁爲宗嗚噓也語云天下安用腐儒宗之腐



何敢望翁所指教諸君子

答岳石梁

僕嘗于師友去國或力佐其去而了不顧念適  
亦佐翁爲高而獨惘然不懌于衷者日來沆無  
寧宇平助高蹈爲易宅險剖同心爲難耳低徊  
孤劍身世同浮正念吾輩之昭言有日國家之  
平定無期三復教言敢不佩爲明謨獨主上  
付以雪耻除兇之任而日攬于禁殊愧此尚方  
矣聞蘭徵有卜顧少憩中林藉麟兒出爲佐太

平也

又

讀四大議盡迂儒所力圖者安得同祿在事遂  
令迂儒得息肩乎諸種種金縉方在綜核而藏  
頭縮尾實繁有徒且以貪素耐諸君子咀嚼而  
和齒不肯啖名愛其兄而弟之不翅若身也適  
所鄉獻乃漢人之自東歸而截以塞我其恐不  
問而死之一流人至此豈不可閔

又

默別爲遙而更煩函念皎皎明月英英白雪隨  
翁懷袖者便以持贈

答馬總戎

天下橫直人加學問則事體盡安確不學而橫  
直其幸而當者天資之偶合其資所不及便覺  
支離此處正當覘其人果是真樸真直真未嘗  
學問便是無它腸如其人粧聲作啞却是機關  
變詐而又嘗讀書學問便是倨傲驕恣僕抱關  
二竿矣如以語言文字責文武將吏只有唯且

救過不暇而全人受事有幾如問下所云止當  
說明申飭一一改正却不宜種種留之心胸積  
爲話柄蘭生不云乎先國家之急而後私讐况  
錯失乎念之

又

向來羣公正欲如此挑激吾輩直須開朗心胸  
其御諸料如人家有才子弟肯爲我持家卽有  
過失可申飭改正毋令旁觀者交相爲瘡且略  
擊短狐而遽有紛紜寧不爲向來羣公笑乎

答項錦衣

吾心做事人或阻之亦有人不能阻之者須得  
實其心虛其腹耳

東王總戎允總戎

念虎燕達和殊切分炙之思特具公費三十兩  
少佐醅醫之需願爲平氣慎身澹焉無躁僕懷  
心雖切然不敢迫兄以未平之體臨事也珍重  
重

答袁山石

糧料之籌悉矣倘得啣尾如期何遽乏絕乎寧  
城之兵盡爲屯築而左旣爲哨祖更爲撫其所  
備架護之兵獨甘閑耳奈何驟武隨兩帥來而  
不再計也車略有緒而輜車未具卽練稍合馬  
步而戰輜相倚相容馬步相兼相藉百未一知  
何得稱旣同旣交乎練車而不問輜此關內之  
套車不念進取者到底以事力未備坐失事會  
爲解耳奈何

答畢白陽餉院

于時受舌擊者方借東西爲聲援而心戰者以  
一片全軀保妻子之念頓令中外震駭然而東  
西實且徂伏未有跡也十餘萬殍殘寧忍隔垣  
而付之一二鉢給君子吾輩枯萬骨以爲功乎  
寧勞一身以活十數萬衆乎此處着一毫功名  
利害想其有彘餘者士飽馬騰倚命幄籌惟願  
深心大力開濟艱難耳附謝

答南京撫院周

不出水師乎海上忽接函言便如登燕磯龍閣

春風到常眼鶯花也一堪凋殘更不知春度  
玉門獨有佩心知以快此胸襟耳茅生買舟詣  
宇下幸惟呵護想豪傑深心不共世人肝膽也  
聞兵遂爲樓船最單都護固自錚錚兵將在鼓  
其氣而用之何得盡衛霍而亦何遽不衛霍有  
學政而人盡衛霍矣諸種種傾語何時

答柯和山通政

一行抱關遂不得時時晤語三復教言懇切周  
摯盡是滄閩方略正第所爲與文武大吏竭力



以國者獨朝聽未微勢難矜肘安得所稱壯本  
朝之威乎稱得議論不雜則道將同心天下事  
尚可爲也年丈抱匡濟遠猷弟所亟爲推轂但  
高誼一展錯便作社稷大計以年丈生正真肝  
膽真作用唯希一顧來耳腐儒猾婦維婁中徒  
作蜩壁奈何近立十二車營而成其半似有生  
色再借懇衷一調度事其濟乎劉升風知其佳  
欲一見而稱病尚未見也附謝

答李戶書松蘿

當三空四盡何得不堅決以行當七言八語又何得不堅決以行大方深心邊人實佩之矣此中起伏呼應殊令人心悸詩不云乎不愧于人  
不畏于天僕不嫌以五萬二千利商實懇以五  
萬二千抵草價耳淮南十二萬自貴衙門利邊  
人何利焉然亦何嘗不利念之爲悒

東馬總戎

車營合是如此但用事者未得發明詳盡得大  
將軍議始令天下知有車營之妙此社稷之福

也深心大力敢不念之圖中虛中爲將似當明  
註以兼領馬步者爲主將而仍以步將一騎將  
一爲佐庶將有專責而勢常合每車一曲便以  
馬兵幾何旅兵監兵夫兵襍兵幾何牛馬等幾  
何器甲等幾何凡在此曲之後者俱屬于此四  
車而以八輜車供其餉俱要相親相傍認定主  
顧使二百人合馬步戰輜爲一仍以步兵百總  
以總之而二曲則以馬兵百總以總之以聽于  
千總而分聽于偏將以合聽于主將此俱圖中

不言而具者特捻出間之左旅等旅字當改作  
衝以旅字不聲嫌于不雄也左衝右衝前衝後  
衝取古兵車衝車耳凡圖可列者俱是正法其  
法之行却有奇卽如此板做去還有應有不應  
行之以奇便可無敵于天下惟兄深念之

答寧前道

主客分合視其多寡均其勞逸更爲之酌其遲  
速此自門下當熟計之中間却防一流人謂空  
薊門以脩關門而又空關門以脩寧遠則班兵

之當速其所急而仍回關門可念也惟門下熟計之鹽事當早計勿猾猾令奸利者久不歸公家屯田何如暇時一算寧城之車與牛縣若干民間者

諭魯之甲

諭魯將軍之甲據報以夷赶夷馬當是偶爲之此決不可嘗試者賊不可縱也衆亦不可開也賊越邊堡便奮勇捕殺賊在草地任其住牧但謹防之當略費以結其有氣力者爲我應呼卽

夷眾來投當細加體察勿中狡計將軍沉毅有  
大略其深念之勿以小利嘗試特諭

東田少保親丈做弦

聞郎報甚喜仁兄入清穀輦也家口尚據大第  
裏殊噉噉未安借兄爲擇一小宅居之何如一  
行抱闕遠取親戚情話弟所爲以元正三日抵  
寧遠凡以鎮定人心調習士氣遂以密察彼已  
情形而安輯十六萬兵民于五城二十七堡之  
中令之且屯且築脩守脩戰豈其無所畫而輕

以身嘗險者人人畏險而曰重此身天下事安  
可爲乎近車營成其七八矣何得仁兄一教之  
答長安諸公書奉覽薄肅奉候惟仁兄鑒在爲  
荷道冲兄何得不念弟仁兄爲我言

答魏道冲閣老年兄

再奉教言悉起居佳勝清健倍常此正人之福  
社稷之慶也 王上萬安人心懽悅正須開濟  
諸公斟酌調劑計年兄之心爲深力爲大耳弟  
甚嘆嘆于年兄不聽羣公逐弟于丁巳之紛紜

遠乘絕長安之路而今乃自爲難婁也年兄何  
以安第遂以安天下而無致誤天下以誤其身  
肝膈切至之談惟年兄曲爲第念耳第請寧遠  
稍以鎮定中外人心遂以安輯其衆且體察彼  
已情形此地殊饒爲之豈其了無計畫而輕以  
身常險者第自謂西虜當撫至其生事便當力  
捕之而就中酌強弱別近遠時其喜怒而操縱  
之乃可操如將殺賊旣以四千賞賊而賊殺將  
又以一千賞賊其克縛獻者仍以我人聽殺嗟



乎中國之耳目可達而我心益長我彙益富邊  
轉之心益灰國家之物力將何底極而動曰所  
加不多可卽此自是大患況東賊狙伺衆心惴  
惴人顧其私身圖其便喙喙爭鳴何啻一念社  
稷之安危者年兄深心大力卽不爲第獨不爲  
天下然則推擇英豪傑以了此紛何得不念

答袁山石

適處前屯之連卒固令飭以拊恤勿急兵丁于  
工而倣我官也以春班脩兩衛以秋班脩兩所

自是要言適已前計之獨關門之急工不可不  
急未敢盡出爲兩衛耳然所餘固無多也惟門  
下悉計

又

其部署各兵竄悉深念連山自當脩復但寧遠  
未固姑稍待之以連山之脩復又當勤兵力不  
宜省之寧遠而更費之連山仍疲我訓練也爲  
物力計自合如此第稍山左將軍兵分班探防  
之當再積一哨探營合左輔爲五千作行營前

喘耳目下後營便令之出矣門下獨勞爲念

答徐永平廷松

重地殫人卽一州邑之自給爲苦也而况非時  
之藝應聲之征四出小民何以堪且所設更有  
盡當裁省者以此係經略衙門而偶來當事不  
敢暨爲區畫業令該道查酌約無患苦小民耳

答游御史監軍

朔之日從蓐中出詣海上徧閱兵船相與歡當  
事之苦心中問物一事那非阿堵而說見幾

詔者寧知天下有忠義之肝膽乎續到者十隻  
餘且至矣特謝

答薛給事大中門人

久不通長安貴人牘遂不悉動定殊怵怵于道  
體也然不知尚居長安接手函爲快士卒未有  
與將領不協其以逃聞則貴鄉新到健丁旣無  
屋更無錢適露雨爲虐以驍雄不事生理之夫  
牽驢雨立荒野予之米而無薪無鹽菜悍卒一  
數遂有紛紜論之以牌輒環牌而哭真可念也

其悍者梟之其逃者逋之其歸者各予之法而  
安乃若舊營之兵固未有動也如手函云飽煖  
有資安禪有所爲惡務矣乃若隊伍分明千百  
約束豈其有漏焉僕之衰更以病瘳而一柄兩  
操世人未有信者兼以中朝不諳此中情形好  
以臆斷而此中之在事者不敢不回頭照顧時  
艱殊爲害也倚榻率言不盡同病相念何得煩  
遺敬壁并謝

又

李同知有材局亦未嘗聞有它說然事聞有未  
當而僕于若曹多念之以危邊新叛卽號爲官  
也而曾不當它地之一尉且各直指之衆効鄉  
士夫之評騰乃若臨蒞其上者又耳而目之世  
鮮兼材人鮮兼善舍其短皆可用也適永平道  
有白弁之議然僕實先聞之矣不得不一究結  
心方使者在彈文乎僕固憐念之深者函言  
爲佩

答張屯院御史汝懋

今天下文吏多擁兵自衛而驕語訓練蓋自保  
陽而外五大將軍俱未有兵而多纔千餘少不  
滿百乃四萬之衆合之萬馬則歲費百萬皆統  
之文吏而大將軍不敢問乃諸公惓惓闢城之  
兵不知闢城號十四萬者有脩工班兵三萬有  
奇工完則去非兵也水鐵舟車匠役失工萬有  
奇非兵也合闢內外治臺頭營九萬有奇而闢  
外自中前至寧遠合之邊堡可二萬有奇而實  
在闢城者可七萬近有火砲手四十火鎗手一

六千而弓箭手可三萬新調之健丁與各部  
之新丁後部之調丁約束之拊綏之自可用獨  
是穩着之說成而懦夫奉爲聖書又惓惓議在  
國內曰關外部署便引賊來且曰資盜糧是以  
逆奴狙伺爲乏二百資具而在在潰陷皆兵引  
之也豈不愚哉今之計不守而浪戰者敗絕念  
不到恢復而曰守必不能守僕今百計以脩關  
門之守而餘力以脩前屯得前屯之備如關門  
則更以餘脩守寧遠是謂近守而合毛沈二弁



以覺華之兵通再以夷官托廣寧爲招撫之號  
是謂遠守然機會適合工力旣備靜則爲守動  
則爲進取此似不必諱言而予人以罪宋輒曰  
此人要恢復夫恢復自是兵事獨事機未到則  
不可豈得諱言而以此爲罪者公祖不鄙僕而  
肯爲同襟者肯爲開誠以教企望企望

答王霽宇

讀連衡招撫之論抑何痛快切摯也事屬虛雖  
而得台論爲大敢不佩之獨是王雖未厭人心

惟老公祖有所以振之耳么麼胡孽而以未諳邊事者主其論何以行關城將吏之苦甚可念也老公祖議爲作勸敢不爲將吏佩之是唯台酌昨言虎酋感疑撫之恩咄咄稱王太師三世矣誰謂虜欲無厭不可懷哉倚榻率爾

答傅仲綸御史

僕獨攜空膽而門下兼有略乃敢以豪傑歸之卽空膽之身尚不敢自同巧宦而况膽略兼之門下何得私其身乎安滇之計行則滇可安便

當益出以共圖安社稷者僕之衰殘卽退黜林  
壑尚企望之直指手尚顧嫌德怨天下無官矣  
附謝

又

調船耳非調兵也北人不堪乘船故連人買之  
耳此中亦不須水戰要以水師從旁擾之而世  
人不解祇知有文龍而不諳地勢姑妄倚之奈  
何此事原無妨于地方亦可不致譟呼然實以  
元在事爲我籌畫也耳平生自是佳書生那得

便作統軍以渠有言于所知云曾向兄論議及  
兵也遂欲借其能事而受命于兄今直自爲買  
舟耳王尚賢在乎是所謂有肝膽者刀鉞之助  
策勳天下有心人之心佩之佩之

又

藏

僕之乞退亦必如函教而後退非敢條次幾篇  
腐爛頭巾話遂可高議韜鈴也今天下豈堪此  
等潦草乎獨是今天下不乏有忠蓋人而解人  
少却更有一種不願忠蓋者從旁弄舌卽今逆

賊狙伺尚如去歲春初時而謂相謂曰安且曰  
兵不招不可調不可冗議亦鑿鑿而不知關城  
之兵號十四萬而脩工班兵三萬二千局役運  
夫下六千有奇分防關外及海山間可四萬有  
奇實在駐關者纔五萬伍千除城守外僅可設  
伏作奇兵而世人未解兼以度支無法而設口  
設兵至于欲減額餉幾致屯變以僕不避嫌怨  
顧若斯矣天下事堪言乎又何待兩星作祟也  
小疏奉覽亦足以見鄙懷 近衰病之極然不

敢以身忝草此牘畢便管出駐節屯爲管田計  
護趙弁作關門外護僕向謂經撫計便當退永  
平今僕不敢退居但當進駐關外令胸縮者不  
得不隨耳趙弁名率教大得力人特出而與之  
做成一重關守率爾言不盡種種

東內閣

猥以迂腐謬荷 聖明重任卽今捐糜頂踵未  
報明恩豈敢卸擔推托且自任而自辭之乎但  
忝冒班行終年不得一覲 天顏凡一切中外

人心便視同外吏誰肯遵服法令蓋父玩而褻  
人情自是如此三位老先生竊悉大體可爲不  
肖一奏 皇上暫召入覲以見 皇上不忍棄  
病臣于外之深恩卽不肖借一覲以入爲中朝  
發明邊城事體使曉然盡知戰守機宜不肖更  
得仰借 天威抗顏將吏往回不過十餘日耳  
不肖此意總爲朝廷大體倘一行少有差錯決  
不妄計也今日出關整頓前屯矣病中附言惟  
亮在爲荷

答徐永平太守廷松

權發之謔自嚴而三軍之不願實兵似非常事  
者敢屑越也吾輩養兒女決不忍明知不可食  
之物而強之食兄以爲然乎天時地理加以人  
事之疎奈何獨咎兄一人乎噤噤然不必一一  
爲辭也何如

答岳石梁撫院

拜之局須子仍須手豪傑手未卽得而隨手布  
局者更難卽當局者真成手談耳關外兵民不



下十萬獨前屯以三千金牛種得可三萬有奇  
福民間可四萬差可了此城乃寧遠新歸殊令  
人深念不得不遠計耳諸落受撫今可粗完虎  
酋之用必不可落舊格者獨以夷官借活著或  
可爲也寧遠以西未得妥何得取廣寧數日有  
小疏常請教何敢承厚雅

答永平道張春

以天下之好惡盡付天下之賢愚卽我不得爲  
愛憎人何得爲是非行役瑤城率答不盡

答高陽唐令君

彈丸之地仰借鸞栖殊爲屈重然罷邑凋殘  
害叢生微名世大手其何以倚命所幸法在必  
行澤無不究遂使善良安于田里而萑苻之發  
卽撲無遺此寧獨彈丸爲幸是社稷之福也闕  
吏額手誦明德矣讀函教深佩慈明蓋救邑捕  
盜者通盜則武進錢父母曾力除之而以盜誣  
攀寄賍于富家則祥符王父母曾幾爲大害自  
徵父母仁明小民安得安堵乎救邑舊事一爲

訪犯而家富一爲賊之家屬而家富非以其犯其賊也輕所訪而訪之干連者反重緩于賊而家之誣富者粹未能脫勢不得不交相賄買原口至其狎聲于下而暗索其賄者更多父母露盧手兩露心吾儕小民世世誦明德哉敢爲罷効凋殘以謝

東葉相公老師

以今天下而老師惡欲去乎忍矣試念神皇帝于老師何如而忍若此門生以卑賤之身

狗馬之病兼疲于射虎之羣乃可去耳老師不  
先學門理以去忍乎新無明爽有幹略其可任  
有此中事體有次第可倣而賊來可抵乃敢言  
去惟老師亟爲門生深念耳小疏願老師主持  
門生可任悵切

又答

方今財賦匱缺而議修築自知不合時局然邊  
成國百世之利也門生率諸有計略者以數十  
百歷數百里野宿謹幕以盡險易大勢蓋衆山

遷遷天已爲基得此一邊則山海爲重關而神  
車在千里此中用山用海修守修復勢險節短  
自屬可據之地頃駐寧遠遂可日得傾謀卽恢  
復後必不可少惟老師無以迂儒鄙之似可爲  
邊疆大計

東韓象雲相公

讀老先生諸所擬述得持大體成朝廷之尊  
不獨抱朴吏藉生色也日來殫迂腐之力遂及  
年餘聞城似有次第矣卽新撫曉暢有心有略

了此但得無機唇無掣川以地方付之而  
實其成卽逆奴不足憂也宗英可去惟老生爲  
國家大計方爲主持宗之迂腐不計一身想在  
慈亮卽小疏言不盡意純惟老先生主持臨諸  
可任企切

又啓何崑柱相公

人不舉老先生教雅遂且戚老兵頃有小疏乞  
身念不肖素承知愛得無爲深念乎以鳧鴈之  
身抱狗馬之病難紓虎之羣者歲餘矣新撫真

可大任但求無以舌戰撓耳宗在師中久致且  
體輕人玩更以一柄兩操與二柄一操俱敗道  
也老先生知宗非敢區區爲身計者惟祈爲國  
家遠計蚤爲主持可勝大願

答張總兵士顯

既受兵柄當振起精神爲之其事不在我而詆  
及者當自明也注意

答劉御史方壺

客歲晤言抵掌而曰可者可者敢不巾幗而圖獨

是肝膽下無鈴略耳逆奴狙伺速謂曰安而  
省兵省餉之議紛出正恐目前猛發那得有舌  
擊者關東十數萬殘人賊來何以護賊不來何  
以餉其口師老財匱進取何期卽營兵稍有次  
第而招攜設間略見機局第大教所云奴狡殊  
甚安得謂赭地殲人頗作下策也秦中當天下  
之半得清轡爲安遂以安天下邊人藉風猷矣  
率爾不旣

答孫司務元化



三  
卷之二十一  
三  
聞即拔爲快然以豪傑俛而就此更爲嘽嘽又  
念豪傑何渠不可而嘽嘽也乃更爲快還朝可  
興遂得朝夕聞快語嘉幣未敢承念凡清素那  
得飽人者亮亮

答沈總兵有容

費多少心力一理以機而遂欲嘽嘽去乎豪傑  
那得如此時驚時擾勿墮術中自是切要如頃  
者偵所蘊崇而火焉更挫其氣于一戰宸爲有  
得而實心同心更所願于豪傑手者甚欲以覺

華與陸兵聯比而三島踞重臺中日寇使題呼  
吸快歸快歸馬我歸自健那得灰心求去者難  
縣之兵可用乎麾下用之此中多欲翺取儼以  
北汛之岸直須用遼人乎其以教我大將軍工  
于圖成拙于說鬼此不肖亟欲得全臂耳僕冒  
下可西旋願門下爲我留一聲豪傑之用率爾

答毛繼兵文龍

當事不理該鎮之餉亦不問該鎮之兵獨有功  
則喜有衆則漫然或醉而不與卽關城時復中

之僕且西旋當入覲爲 主上一奏該鎮之苦  
心也金州畢竟何如僕欲聯比三鎮于海上而  
風汛不時猝難得通呼吸也大將軍爲我圖之  
丈夫爲朝廷圖大業須是大其心胸勿較爾我  
天下事固非一爭一足可了也願將軍念之

答馬總兵

豈遽日風塵勞瘁乎何以病大將軍者惟善調  
之夷情種種人情亦種種更惟善調之關中料  
理統恃門下可蚤發

答王霽字

旬日不防而況已邇邊乎正念回紇之亟須見  
大人而返耳便數東顧之報自料非的僕乞歸  
而歸府公以此報乎稍止之矣

答楊修齡年丈

聞年丈入長安爲快朝廷得大豪傑彙集便自  
有揶揄氣色計此等場局正須年兄豪傑手了  
當耳昔人稱天下安用腐儒第徒抱腐腸何堪  
世用而沮豪傑所不了者第且退矣承函教便

謝披豁也率爾

失名

以筆展靈心寫眼底真象故說病處却有療方正  
須藥籠中物耳承教附謝輔臣慷慨至飲至策勲  
令人羞不掩面百惟易之爲祝不然同心說隔心  
話也其切小疏請教以勝抄者遲未得遠聞大疏  
重數目不然我兩人却似不相照管也者

再

令

家信來情信極快遂悉老父母治邑狀邑之凋

劫而難理也往或罷百務以護百姓不能今何  
以百姓安堵而百務俱興無論文里武祠與學  
宮并煥卽邑乘固樹來所迂置不道而今得以  
書行頌令千百年忠臣義士不至沉淪土壤其  
功德又不獨在父老子弟間也敢不與鳩筇馬  
竹式歌且舞若寄踪遠地者遂得爲列名維桑  
將高曾而下式勒之獨是枳叢久羈鸞栖想當  
內召以重醕勞勤耳薄備愧不成事惟案入爲  
荷盧父母祠記并邑乘序當稍俟解嚴勉爲之

以副台意又言

答登萊田監軍二并

以吾兄深心遠略苑不得施弟遠柅關門急不  
得飛凌東海與吾兄共圖大業偶不覺憤爲題  
詞倘吾兄肯終竟海上之師固社稷之福也沈  
毛二師當需兵幾何今兵幾何用餉幾何今餉  
幾何舡隻器甲有無幾何當何以備辦今計當  
何如從何處下手今且何如後當何如其機會  
走何時候願吾兄一一密教之兄所約豪傑弟

已得之遠兵可用否并問吾兄檢舉事第不曉  
了緣由未敢答其處鮮人事甚有法度第有疏  
乞還不知上意何如病中草率

答梅長公開府

今天下竟須鐵老底定矣稍啗風猷以快天下  
而盡抒實力以竟緩急誰謂間散可終置也周  
翰司沉心遠略竅謹宜精更可快者乎彩綬揚  
而鍊無貴鄉別段貴人之氣此年兄所云落落  
穆穆腳踏實地者乎敢不佩之此中經撫原不



必兼設合用一真漢子提兩道以令諸將天下  
自可爲也一柄兩操便自紛紜而罷鎮歸者饒  
爲口語卽如舊經撫早釋之所在以省長安議  
論便是邊境福澤第且乞身矣尚須爲 主上  
圖一明此段公案也寧遠旋偶病率言不盡遠  
念全切

答周餉司之夫

每欲接豪傑大論以豁腐懷而百餘里遂相隔  
也歟人之在東者相次後業遂作關吏胸春不

得不計所以護之養之兵屯邊計終非腐儒可  
安幸兄教之爲荷

答陝西撫院孫洪陽

往田司馬之復松山也唯善用耑耳構兩酋于  
螭蚌自是聚傑妙手凡抱關而踰踰離下者詎  
云守乎此中頗以此法而劾要令之猜忌殘暴  
不獨行乎天都野利也獨是一事兩柄必紛三  
柄一操必競方在乞身以無掣建牙之肘而尚  
禾得也過承注雅可任企切

答登萊撫院袁節庵

卽節鉞臨海濱而猷略屹然中柱何渠不司馬  
而况東叙乎明命遠聞邊人手額喜可知也海  
上之謠日新而老成者又復稱病中朝竟未有  
悉其事者卽悉其事而不敢問國家何賴乎讀  
大疏曉壘精嚴想可寒謊弁之膽乎僕乞骸未  
卽遂獨此中一柄兩操終未便耳倘楊率爾聊  
附抃蹈之私

答趙兵書明宇

今天下大計竊握中樞以邊鄙之利害念廟社之安危仰藉壯猷指揮九塞遂以固圉寧人釋主上憫焉四顧之懷蓋途出所曾經方由所嘗試也抱關將吏式稟明謨快焉額手指縱在望矣率爾

答何主事天津贊司意

得高賢佐箸遂司百萬人命脈有懷明德何得晤言殊爲餉雅慶也

答馬總戎

僕以門下之病而病矣幸善調之聞閨以內亦  
多病也可有善醫乎別事便如議行矣昨諭餉  
司如何尚未放嘗促之惟門下稍息心氣便自  
愈

答通州盧兵備維屏

官兵之耳目卽明神之鑒在誰得以冷眼忌我  
者載佩壯猷服膺遠計遂作神臯重鎮也寧獨  
見熱腸乎天下熱腸人原不管冷眼惟丈安心  
爲社稷計竟此熱腸耳率復

督馮御史按浙洵水

念清寧至止建威銷萌安一方安天下矣語云  
天下安用腐儒僕腐儒也以空肝膽當左泥其  
餘有幾碌碌腐儒俱在後先錄列而實應且憎  
或憎而不應然就所應而罄竭迂腐祇合如此  
耳虜狡如故方狙伺正虞猛發卽乘間招攜使  
其相猜相慘似有機局而關外十數萬難人殊  
費區畫總以遼人守遼土以遼土養遼人爲大  
意而精嚴守寧得盡是深心獨年來火砲干

二萬有奇，差可抵賊。來一戰而關外西衛三所城垣俱築，經口來歲四月可堅也。野無可獲而堅壁以守，或從北山南海有出焉，則目前之意也。總之大兵據寧遠東南，以沈毛與覺華相聯，使賊自備二千慮海防而廣寧以夷官招捕為聲，則渝水為重關而神京在千里乘間抵隙以守，以取必不可易而毛不足糧沈不足兵覺華兼不足船。世入曰：賊不從水來，以縮足關內賊以千里餽糧，必蹶延挨時日，聊可容頭過。

身天下亦安用此不腐者昨出關外三百里內  
編察河山議以徐中山建山海關法築寧遠邊  
以威大將軍法備興水以西真百世戰守之利  
也獨勝詘舉盈不合時局然不敢不入告兄爲  
社稷深計獨不念我維桑也幸悉教之企切企  
切此中只得一豪傑手提鎮道可了必不可經  
撫兼設僕于此時便覺爲贅蓋一事三柄三柄  
一操必紛必競在當事而禍中邊疆此最易曉  
晰而世或欲僕以無所事事處此而需其數想



亦不念朝廷耳僕向未敢以肝膽向人以兄相  
念爲切遂不覺饒舌附謝不一

東王總督齋宇

閱牙旌東向以張吾軍遂以協彼狡虜僕病未  
能從也殊爲噤噤以宋人協款虜僕唯唯不慮  
正恐効不効爲噤耳此日山人亦當在老公祖  
指揮中則可或法成而待臨敵任使者善卽撫  
虜不必有山人也今天下奇表羣同吾輩身爲  
大臣而老公祖更身係天下之重其事雖細其

全德人心甚大且以四家丁而不能用手之  
千萬何爲卽諸虜定當協于老公祖威德受款  
而退如其勢在披猖又安得忽之近關也乃若  
以兵協虜以虜練兵則老公祖弄丸犬手腐儒  
佩之矣僕百凡佩大教爲師程想知老公祖大  
道兼容用山人于戲咳耳敢以腐腸爲拘然有  
腐腸敢不吐露

答岳石梁順撫

僕之去留在 主上乃它人借之而 主上未

嘗借它人也。昨小疏入而聖意未可知。適兩地之警報僕阻之而更至。遂以爲辭。此中殆有機局焉。而我不得執天下事。留則任之去則順之。強以其身任天下則天下之去我者更深。而我終不得如其任。僕今亟欲圖去天下而非獨去關翁所教我。自是豪傑手乃腐儒自有腐腸耳。

東葉相公老師

惟  
主上德福崇隆萬方慶戴卽老師不得下

迫而出是社稷之福也門生略理關外幾五十  
月殊未有可以入關者卽問鄉口未的也東夷  
近虞猛發而後有可圖西夷近可支撐而後實  
可懼東之猜暴以我攬之而日甚此中似有機  
苟卽猛發于千里我當有以應之獨恐彼以狙  
伺不獲爲坐困之術而我更以望困養之其登  
更大然賊中獨一二人爲狡不殺我人或知其  
去而縱之爲可惡耳此時遼人歸者日歸居者  
日歸歸而敢怨叛人各有攜心卽王世忠之兄

兀爾忽答賊中號爲王都都者適聞賊疑之不  
令管事但得再攪此機一動則賊日孤而發易  
制然在我堅持要領而必不以此爲正著以墮  
其中耳西夷之中行說盡我人爲之近如宮學  
文不減曩之哈舟陳通事惟計除之稍可請耳  
浪素貴英近肆要挾以新號貴英不强憤于我  
不雄行于夷而宮學文爲漢患順撫逆剿原無  
難事獨兩應之爲虞不得不忍而爲之圖徐可  
自定也金繒口富生口日繁後之可慰今爲之

矣。俟時日了，眉睫亦可容頭過身。乃若遠塵，  
深念通身汗出，有食不下咽者，尚煩老師擘畫。  
也。門生腐儒，所陳奏無甚高論，而着着爲實。惟  
老師主持此時，新撫真可有爲，而經撫決不可。  
兩設只以一撫提鎮道爲之，自是直捷國家于  
副遼原，以一總督兩巡撫卽門生自覺爲贅。蓋  
去年門生不來，尚無端委。今卽中材可爲，而况  
高材者。門生此時無可着身處，必當長往。姑去  
闕以謝此局。老師豈不爲門生念此時人情乎。

當今之世了無益于人而孤言行意寧得久乎  
惟老師亟爲門生念之

又啓

西虜大王黃台吉頗曉事獨浪素貴英乃長昂  
之後西挾不遂而去矣此酋原無秋賞以射獵  
抵邊如到有迎風等賞業已領訖乃盡撤望門  
夷人有燧大號爲忠順者阻不欲撤而浪素對  
從燧太怒先回巢浪素亦已回巢我提調等書  
牒縱使夷亦時爲陰陽只得隨機樂

以兵而往彼請誓似可無患虜入犯永約獨在  
我刻刻謹備之耳湖廣土兵土官九千有奇舊  
派北山防守去歲五月間曾合營逃經略以袁  
山石撫曰殺數人稍定而遂不敢問以副將王  
光有統之終任未識官兵之面門生設法滅汰  
其官遂以舊撫滅汰其兵而土兵每教兵爲亂  
先以山石道發四千于關外後以叅將陳九德  
代胡伯瀨統領乃盡出其難補者七百于寧遠  
以其病弱者百餘人附糧船去仍行各營南兵



不許補北兵不許補南而湖兵之官獎以清  
湖兵之精悍俱可用陳九德乃陳璘之子非九  
德湖兵竟不得用矣此時官兵有火砲千萬二  
新調戰車并在鎮新舊車可二千關外三營前  
屯二營寧遠二營而關外合城俱可完築裏口  
砲俱日夜催攢略具卽賊來堅守勿戰而城無  
可破人有憤心自可無虞獨關內外兵統計城  
守車砲尚有未足者八千餘人當卽言補而部  
借軍需未還尚在窘手若隨時訓練則撫鎮以

各將爲之而新撫馬帥俱可以一丁當門生自  
關外回亦多闔門行文書耳竊者師清念敢率  
具一一

答立節推門下

念門下明允奏成自當清要甚快別指旣悉矣  
同辦在所揀者想可有徑復乎僕之迂腐冒任  
天下之重獨持一片癡腸耳東南時勢狙伺猛  
發俱爲可虞而世人渾欲減兵省餉待恢復而  
後議兵不知何時是恢復兵從何處便集也病

獨率謝不一

答侯秀才武強

令公之議之才自是偉大獨此中事聽該部爲之不敢以內閣衆部權也親丈可細言之獨是身爲大臣知其才而不能用爲慙耳僕在此遂絕交際一切問遺俱不受親丈亮之

答王霽字總督

甚快牙旌之東指寧城也壯髮覆額之民旣已含甘吮滋而垂結之羣狂而頓遠蓋嚮來鞠爲

茂草不圖我三車至止也獨嗷嗷孜孜終費  
躊是齋齒餘耳僕必不可留老公祖明知之而  
忍作世語乎此軀何足捐正以捐于不可爲遂  
以誤天下竟負此肝膽爲懼也漸遠台儀殊覺  
無以爲範可任悵悵

答岳石梁順撫

卽若曰羆熊不二心而世固馬牛維婁之安見  
非雉兔罽罽之踰蹕而行徒受粲于彼美尚不  
敢問行于樓居而復共歌車于甲舍乎正恐仁

義之市負此脯緡爲逐客者掩口耳無亦自念  
曰跋能履不足以有行也雖然東海之波臣可  
并涸鰈而願祝北溟之化鯢凌風九萬也其敢  
忘之讀大疏皎若白日

答李懋明侍郎

今天下大政在中樞得豪傑膽識便可指縱邊  
陲非復眡糜曉于決眙者敢爲社稷慶新銓之  
政強意若斯矣快人快人居鎮之苦卽邊人之  
并願無忘拊茶念此如薺者耳此中經撫次不

可樂哉而況盛備苑苑久居乎更願年兄  
此論更以爲社稷慶

又啓

毛弁跣具材節凡以調于所指揮而憚于所程  
故盥洗其肝腦以自獻其長大英雄驅羣力類  
若斯耳左君之豪豈敢忘之獨以職賊未期而  
嘔吐爲將吏牧勞亦足羞也尚在低徊耳楊州  
兵可徵發所需以速之矣歲病又作急不得蘆  
語

答表節安登撫

讀後先大疏皎皎揭日月行中天而底裏洞徹  
殊令人可味世人喜掩耳竊鈴而耳竟不可掩  
也沈將軍強爲公家出便可展布四體仰酬國  
恩無藉人言爲釋負計兄頃言其病也然乎以  
大將軍旗鼓僅三千餘自是難責以展錯惟酌  
計海上諸兵如淮遠之兵俱可撥之立圖大計  
其一切舟楫器械有無多寡敢煩典籤綜料以  
察此中決不可棄綏撫而貳新舊久居此者

附謝

答沈總兵書

每按大將軍報輒往獲賊識之然親其人與地  
豈其不念此而同世人汶汶耶賊狙伺未發而  
羈縻家言助牽制家言扯掩耳竊鈴輩頃欲省  
兵省餉當縮頸淪關內爲守不知狙伺者猛發  
而兩家竟何如河西之陷豈無兩家耶僕力倚  
將軍與東如骨幹敢不樂聞言語獨恐虛套一  
成敗乃公事驕人之要領寧足膏斧鉞乎願將



軍爲遠志勿苑苑于曠曠者兵馬舟儲乘時爲  
具予日望之

答王霖字總督

日又長矣髮更短焉拊孤劍以驚心坐俟旗而  
乘暇敢懷後効實倚前籌察陰陽之戰惟徵徒  
守閉闔誠令見天地之心曰復尚看碩果精神  
敢煩未厭之施殊切不恭之懼謝

又啓

撫事幸以指發方竣而邊夷不戒遂有中

懷痛念兵以防東逝而已不格西欵矣撫以勦  
効順而又已殺部將矣吾輩所焦心勞思與得  
一當而戰與撫兩無據也似當以兵臨邊根踪  
失事所直部落而大創之正恐護癰終潰爲害  
日深又恐割癰俱傷所患不淺名世大手何以  
教之

答岳石梁巡撫

嘗險予雄當爲警骨彼其心腹乎奈何輕撼岳  
家軍

答馬總戎

四十五

凡百需兵只問當否亭得以前司旣去遂可罷  
支乎可再酌之山東兵與戢武營兵可如議卽  
行但以此防逃非計也中石之行似當統兵臨  
邊以問相直部落方是堂堂正正度可行乎此  
地旣無主將可蚤發以安人心查覈一切并分  
明兵馬錢糧卽馬鑛亦督令蚤發諸應行事宜  
可細心計議關外各地方一一申飭嚴謹東賊  
聞此駭異便自生心可令寧遠等將十分戒嚴

卽城工勿太急促致人心怨惟注意

答蒲圻令吳門人炳

目今銓政漸清以門下才品聲實自當清要但  
勿急勿躁靜以俟其自來但覺相得迴想念昔  
日風波却是目前受用彼當時用事者不能害  
人豈能利人哉別指旣悉矣歲底有還朝之期  
當爲門下一問之

又

以空肝膽作老草殊愧此孤劍也一柄三操必

紛必競日乞身而主上未允遂令世人牛馬  
維婁之而雉兔罟罝之也僕去年不來不可  
年不去更不可以兵將當整頓而事權當歸  
一人在今日以一人提數道自可了當耳不  
見蜀之督撫乎用間招攜遂動逆賊殺機其  
殘恐猜忌固中國之利也病榻率言

答祈夷度職方同年

前大司馬謂趙弁殺夷曰殺欵虜也欲以趙  
弁射之而四分明白而罷今且以要挾殺衆  
將矣

漢趙劉嬰西虜之患寧減東虜乎邊事累人可  
知也年兄名世手不來了此乎圖說最悉深心  
演習數人便送火器鎮收造以試其成衰病又  
發倚榻不聲欲言

答王總戎威

念貴鎮之關中外也寧待東酋乎西虜所在紛  
紜而護瘡終潰其患何如文官坐擁大兵武帥  
日積零卒而中樞無一醒眼偶一警聞便四顧  
旁皇纔一少却穩如泰山高坐而議減兵減馬

省兵省餉天下事尚堪言乎疏議曉諭定當如  
議惟着實力圖之中朝內責貴鎮外責趙協當  
有深心將軍爲我一嚙此懷爲祝

答李松蔚尚書

九邊倚命慈衷唯是真實作用透底清嚴破情  
持法如衣有襪如帶有結其章幅方員各得其  
所方今法未行而力沮之意格之誰肯壞自私  
面皮成大家公世界台文從來真實不作世格  
具有深心大力堅久不搖以究心衙門條件如

今日作用便是生息此外括索終成盡餅更生  
枝節然手底須要得人如此中馬兵僕旣減汰  
其官隨以舊撫清汰其兵後先減去萬二千而  
日搜日汰如拂几塵要知逃亡有報補伍有法  
自可無大虛冒湖兵初有八千餘人去歲四月  
曾聚族而逃舊經以山石道撫而回殺數人而  
紛紛不定遂不敢問其兵並不敢問其官今年  
易去協將而以陳弁司之遂覺清微百事惟在  
得人耳此中兵馬必不敢不清必不可爲減似



富議遼之舊餉爲關外計目今借支未還方屬  
窘手草束未辦更切斂眉惟願蚤計以慰窮人  
病蓐率言不盡惓惓

答岳石梁

彼其之子何得遽撼岳家軍近事或欲留髡而  
謂餞客耶敢不佩台教

東葉臺翁老師

門生獨有老師關心它人何關蓋主上旣選  
以門生當泥丸塞責而力又不能令中貴人

言中間有好者以門生不可去關若爲有益其  
有嫌者以誰教之去且教之在此姑以馬牛維  
繫之甚或欲雉兔罟置之然皆借  主上之不  
可行而非  主上借衆人之議以不可也門生  
之出以自請豈中朝忌之而特逐以出遂拒而  
不入乎門生今日求去實以身旣病此中再久  
便又以巡撫爲贅又是門生不合門生堪此乎  
邊事堪此乎只一巡撫提鎮道爲之大事自定  
不見撫格及今之黔蜀乎事久變生議論叠出

非計也此中不責撻伐只來則禦之儘可支撐  
無難獨此中議論令人顧盼難支惟合併一人  
乃可耳門生不與陸宗本往復去歲解貂來此  
一見曾無言及去留門生想宗本定不敢造此  
語惟老師勿聽此搏弄宗本者或借以間門生  
乎獨姜雲龍有與岳撫書今錄呈然門生亦不  
敢問蒙老師遠念厚賜附謝

答李庶常若琳

一作抱關遂廢一切身世卽兄家大事相仍亦

未得一真得手教殊切悵悵惟與讀禮之暇留心經濟勿學衙門俛首低眉故套然須要着實爲之又勿如不肖空肝胆冒任天下也不肖料理歲餘今不去恐一柄兩操終致紛紜且衰病不堪馳驅非敢脫維繫也附謝惟意

答門人

徐紹泰吳淑

江用世趙洪範

真夢瑤

一出抱關遂作老輩矣得函教宛如披對羣英不知身在金戈戎馬間也獨是晤對爲隔不得箸籌爲我助耳方今字人之吏竄爲親切固饒

大吏耳目而諸子曹吏作日月光際亦繁旁覈  
綜惟檢束至行不減方袍矩領時也經濟實學  
益深益練無若僕之提空肝膽冒任天下徒爲  
天下維憂附謝不一

答刑主事江用世門人

以門下材具當以白雲曹爲郵耳然此曹固自  
重慎乎其身而明恕行之何曹不可禮之所棄  
法之所收可以明法可以檢禮此中却有大經  
綸吾輩隨地深念當是長安得力處僕衰病深

肝膈旣竭而馬牛維婁之將雉虎鼻置之如天  
下何昨讀沈雲升疏殊令人自念兄爲我致謝  
諸兄雅念感切不盡

諭協守滿中軍

適令就見在小車運米送寧遠可于前屯三處  
設法借運目今海可已冰當不患無糧馬匹近  
日何如天寒地凍兵馬關心中軍遠防心甚念  
之但大丈夫身報朝廷敢辭艱苦中軍與總兵  
自有定體只要在下者謙恭行手本還未妥勿

惟總兵有言中軍防寧遠之議是各道公議而  
萬道更先之不與總兵相干總兵還有不欲用  
之意中軍可安心勿與人較計如今疆場事大  
只要勉力報効朝廷不須分辨禮文小事只如  
本閣部何曾改在這面做閣老中軍可體我意  
日後做總兵便可體悉人情東西塘報可加意  
隄備其發去器械砲銃可到否冰此時可堅當  
急運之抵城不然亦當設法致之卽冰未堅可  
縱間行違船心甚懸念此事可報來

諭西虜

諭莽吉妃拜貢英等右哨大小頭目近據副總  
兵官報稱爾等哨守勤慎昨以你哈喇慎家達  
子中右可壞事都該停賞總數仍剿殺不可分  
哨准款但副總兵官說錄未徹坐門裏人又差  
人報事爾等又具稟帖分明不曾作歹爾可安  
心守本分朝廷無賞不是小可都要學好盡忠  
如背義忘恩定遭剿殺大禍如今天朝明分順  
逆學好便許安妥如常該賞卽賞不學好便行



剿殺不育姑容爾等可安心守分特令諭

東葉老師首授

門生之當去獨以此地不宜兩操祇令黔之督  
撫可悉也卽王霽宇亦苦矣當與門生同去獨  
釋一驍強有幹而又老成沉毅者以總督蒞遼  
兩營院以國撫提鎮道爲之操縱歸一政無兩  
大社稷之計也岳石果必去以浙人爲世人側  
目乃其人儘有條理無負邊疆者統惟老師並  
爲兩裁邊方事體重大未可以去留未定之身

爲世捫掄而能有爲者小疏字字肝腸亦邊人  
心事登撫去則兩鎮愈無着落今旣加銜當責  
成節制兩鎮其兵馬錢糧俱屬料理毛弁未必  
真而聲勢可喜昨來報功特賞其人于通衢三  
爵三袍仍寄大紅蟒緞二銀盃二綵亭盛之其  
邸蓋借以鼓動邊吏沈弁胸中真自有略而世  
人未知纔欲有爲而罾者踵至遂令短氣然可  
作而使也有登萊一着以合覺華方于平島合  
局唯老師酌斟以教

柬趙儕鶴吏書

藉名世大乎司人倫之鑑而風紀之司得藍公  
繼名世後此等盛事頓闕天下安危敢爲社稷  
慶乃若雄亞地再得一二人則在司人鑑者矣  
頃讀太疏與幕僚譯良心語謂心體廓然太公  
無方無體其用在好惡其機只在與人相近故  
曰莫知其鄉孟子論說一鄉一國便落方所  
天下古人便不落方所往復舊着每合羣力以  
攬一隅然一隅起落世運隨之亦同類亦入輪

死却幾說曰同非與與非也似以善惡同異  
不以同異彼我擇善以庸黜之調停使其黨類  
自相讎悔却是廓然太公却是其知其鄉計名  
世堯羅臂拔此劫于太平也薊撫方落却中必  
去矣然此八寶可用宗以空肝膽爲世維婁而  
一柄兩揀點之督撫可悉也翁何以教

答沈總兵有容

目今兵于何徵船于何取攻守于何計大將軍  
爲我念之亦知月前稍有微患而今且虎燕衍

如也卽以僕之惓惓大將軍其忍負之令僕爲天下笑

答齊庶常心孝

讀手函竅悉肝膈之愛敢不一一佩之獨是時可去而尚作牛馬維婁七尺何足念恐邊事日紛不見黔之督撫乎僕與撫同主批降而兵馬錢糧各有司存今日僕當委撫做勝如弄弁流不知兵馬不歸鎮協錢糧不歸餉部而盡歸之撫其將能乎除此又無可做若有異謀奇計儘

自說出誰爲阻攔前撫以八月任歷至次年四月止得點兵馬一次清汰過一萬二千是撫之得爲而餘俱與僕同今撫以今年七月任閩邊後僕卽議以點兵馬以兵將屢出屢入迄今尚未完前撫以僕之疏有綱紀責撫道以訓練責鎮協而謂任撫者輕僕笑曰天下實而有據之事皆虛而無據之法爲之假令以訓練責撫道以綱紀責鎮協有不爲天下笑者乎它鎮撫院標兵三五千自可提將領身爲訓練便覺有事

做此中十餘萬人那得一人爲之付之衆弁而  
以一人爲調度此一人足調度而有一人下不  
得自訓練上不得主訓練卽有批斷只得曰候  
主者行此舊撫所自名爲焚也近又曰總兵只  
忙文書不知總兵之文書在初尚多以此中端  
緒紛亂方在整理既有端緒自無冗雜卽有由  
呈特見行格套至委用一參遊則鎮道與撫議  
定僕給之劄其中千等則鎮其二道選一闕之  
候令鎮劄給此等事皆撫院可自主而有僕屬

撫爲無事是撫所可做皆僕攬之而非鎮協攬  
撫之事也僕故曰一事三操必紛三柄一操必  
競以更有總督在薊分當爲也此僕所以自乞  
身不見黔之督撫乎以一總督提兩撫舊法自  
善而總督要強有力識邊事者僕去年必不可  
不來今年必不可不去今未曾殺賊何得言必  
不可不來殆未敢一一道也蓋主者在遠近水  
陸彼我險夷潛天潛地可言不可言而人欲以  
事欲以事求亦何必主者病楊率言惟教我



答李兵侍懋明年兄

望牙旌入長安遂爲邊人運幄籌也豈其于此  
時忍作蓋遊乎滿擬過津門一披雄風而遭世  
維婁遂不得越渝澤一思徒惋此盈盈耳虜欲  
何厭而將殺賊旣以殺賊罪將賊殺將又以賊  
殺罪將一時將者不亦難乎蒙之極也何亂不  
成遣將待邊而匿不見虜有相機剿之耳深入  
爲疲何得不念承函注可任依切謝不旣

東唐令公

關城肅禱天下之惡皆歸焉先聞有田廷臣爲  
老父母嚴捕而遁抵關城乞容于杜武庫不可  
得聞僕問之而去適又有劉廷梅作假親識潛  
住關城此風昔不做好事者以巡捕官報特解  
送本籍仍給給之路費蓋借以懲作姦犯科者  
勿得以此爲蔽非敢薄桑梓也惟老父母寬之

答游直指肩生

念公自爲計得不言去乎以公爲天下計安得  
言去乎減兵省餉之說成而身在當場不無顧

盼却令真肝膽真豪傑抽身去胡馬一嘶諸舌  
盡歛誰復爲念雖然人患不真耳真如公者要  
不以此番而竟爲鑽石也公以官家費煩而遠  
問遺乎附謝

答李總兵

風雨撩人勞大將軍遠涉爲念獨是狡虜方潛  
未可下手而我人爲疲殊可念也門下可與諸  
君酌計以行僕以此番殺我一將而了不動身  
以臨邊何以馭衆至于遠涉深入恐諸君未必

龍也姑酌量待之寧遠藥彈卽令關內道給發  
矣此事兩道如何不報一字

答廣寧道

念貴體未痊而強起于冰雪中甚爲念之目前  
當杖策以出不令門下獨苦也廣寧主款寧前  
主剿以門下所款之夷殺門下道屬主剿之將  
門下何以報我山石道亦不言此事一字兩道  
俱受檄而不報徒各相推諉浪爲大言邊城任  
事寧有幾人而作如是觀僕非迫諸君強以力

之所不能也門下何以報我

答袁山石

以所云不足煩一割者曾一割之未能而曰大盤山橫據令人只爲怕大盤山橫據便了却一生寧足與深談天下事乎如此么麼而左顧右盼前推後扯僕直以此試共事而心死矣奈何奈何門庭間不敢問淺深遠近而遠行數百里亦不過如雨大將軍一道兩副六叅提四千馬兵以三十駝載半月糧望西虜烟塵却步直入

錢州爲樵壘之行耳僕至今羞不掩面兼以中  
右之譏更勘破世人顧盼心腸口惠而實不至  
者寧足與深談天下事乎小小題目便左右顧  
那得此工夫世有好手不必入覲即可做世無  
好手入覲何爲以天下之智勇材力何堅不克  
而誰堪爲智勇材力

荅畢白陽副都

駢吏之不調兼以芻料之未盡而馬之傷者不  
容不問矣然何得獨委芻料也公祖深心大力

邊人佩之讀函教心爲肯芒矣久疎枯管遂沈  
螺髻惟教

東葉台翁老師

數承呬詔更荷再四仰達 聖心是老師始終  
曲成大治門生感佩可任適以兩疏入奏俱係  
此中緊要真切必不可緩者惟老師斟酌裁決  
蓋關城以一總督近制薊撫提三鎮爲薊遼撫  
提三鎮爲遼遠制登撫提三鎮爲登而薊撫合  
一更無推卸督師經略一切永罷此寔直寔

累切之著非敢飾談也至于閣下自任特一  
不得已深情耳不足聽也元旦一行惟老師贊  
助中識爲望

答王總督齊宇

以此時此紛而值名世宅憂天下事可知矣曩  
承諭宜撫佳而亦以憂報奈何急不得一借函  
開爲語奈何近中右事以無可奈何之日爲無  
可奈何之行然何敢孟浪也仰煩深念爲感

東孫藍石



適小疏論劄總督事惟老公祖酌爲我裁決然僕非敢爲餘談也近從登鎮知有田監軍一井鹽船事本官古直有大節所至爲民興利至不苟一介獨願做好事而任之適曾憶與老公祖論牧郡王太守云當爲天下留此一流血性男子想老公祖或在念也指其不當而原其心事足矣以本官爲登鎮監軍僕與有共事之誼念其人甚苦而世人未有知者鹽臺之議自善惟

老公祖注意爲詞

答廣寧道

事不得不如是做耳昨沙河亦一機會而坐失  
之事可知矣貴體近何如關外起居自是不便  
惟酌量可旋以旋無過苦也關外諸君有可旋  
者不妨語以同旋此時兵馬爲苦不翅我輩

答張總兵士顯

正擬一疏得報爲據報中所云舊撫八百者豈  
調至關城之外尚有八百耶

答岳石梁蘄撫

邊備何時可不伸傲而況聽子雜投乎吾輩以  
七尺投戎馬中那得多多照顧世人一刻未患  
便覺語難爲張皇借諸公忙亂正可急爲邊計  
耳小疏奉覽聊以傾愚思子維婁幸教之

### 答袁山石

適有疏入奏明旨當詣寧遠然何敢以車徒爲  
擾正欲以後部更番之兵同行不則騎舍中馬  
單騎徑耳邊城仍當詳計而同舟落落那得不  
獨任乎屯田何如煮鹽何如造舟何如糗糒何

如車二千輛而無一人肯任日風駛驟而不搖  
砲只得仍行有司之事如持鉢募化執扑而臨  
之饑思食寒思衣以邊事爲饑寒者僕當頓首  
答岳石梁開府

中樞聚如許豪傑而不肯一詣塞上徒坐而畫  
可否掇拾齒餘以徇雄要耳李侗則曰執而問  
之浪素則曰鄉獻不知誰執而誰綁之今天下  
邊議類若斯矣住夷于口而不令人入殆此類  
乎讀大議竄可醒愚

答徐成

此舊衙門事以衆議而罷亦若京師九門之鎬  
臺然此輩挽工時想有所費要以工完所得償  
之一罷工而苦矣朝廷實未欠此輩錢也內閣  
不受辭訟只有衆人要費僕要省未有衆人要  
省僕敢費者

答馬總戎

曉捷之兵隨滿副出者當如何更番昨孫副議  
更僕以出者方稍寧帖卽應出者亦新從閩外

來遂且止門下可同山石酌定其便聞從寧遠  
來者說有煤炸果然乎鹽鍋并農器特以關內  
道委鑄其屯田事昨已與山石言可大家計算  
修邊業奉明旨但不知皇上肯少發帑否其  
班兵當調而山勢高低順逆門下再與山石同  
吳守禮輩細爲打算較閱僕于天氣稍和時當  
詣一圖之口外道路諸夷部落原當平時哨探  
明白不必今日有事也此事原議只合如此所  
謂以將臨邊卽不見虜而還亦可耳豈能深入

乎門下可旋卽旋

諭趙副將

各城屯田事門下可爲我細計今諸人只好  
買馬買騾招兵招丁至與砲車屯鹽了與兵事  
若不相關戰車二千餘輛曾無一敢問者促之  
領去而不知京再促之演止供促者之耳目而  
不知自家性命亦合在此門下有心計一一爲  
我國之官路如何常有零失可加意做備務經  
跟捕捉當亦知敝

答廣寧道

痰所時有也。薙則日積以兄爽朗襟抱蚤出視  
事便覺氣暢神流無枯坐兀兀也。望之望之

答郭餉司

聞餉至而病良已。餉乃吾輩司藥也。小愈更宜  
慎調無以惡起爲快。

東萊首揆

撫之而勿動便是虜爲我用。安得不撫獨是司  
撫者專撫非法也。霽宇當紛亂自合專力且其



道大而容然于今已紛紛矣及今不惡爲合一  
自是國家大害門生實常實見一片癡誠却亦  
老師主裁國是之大竅門生非嘵嘵于撫亦非  
嘵嘵于撫之人獨念偏撫之害流毒邊方者不  
小至于督師不効而又要去總督則身危心苦  
老師固已量之此中人情向背老師洞鑑再合  
門生非妄也欵防合一薊遼兼重去總督便益  
爲國家便益然而無害于佳總督願老師爲國  
家深念門生于諸老不敢偏啓

答岳石梁蒞撫

豪傑任事須以膽識一聞參差而左右顧幾不  
令韓稚圭笑人乎小疏奉覽見台丈所謂血心  
人真念耳讀新奏頗可醒發贖贖者當事豁眼  
以聽社稷之福也台車那得發豈獨邊人倚命  
乎獨不得促對話以圖釋 冲聖憂勞奈何

答趙老師

從戎馬間讀經世名集便如入羣玉山峽岬盡  
環壁也文字精絕遂爲世界奇珍乃台衡大業

盡在縹緲寧獨文字乎胡不卽正台席而尚作  
清地翱翔乃若羣心嚮美則太平之托也覺華  
大議世人未解惟老師拈出便是闕城機要敢  
不心佩以周旋原擬歸闕趨函下而急不可得  
體肅芹私聊伸疎曠之忱伏惟老師鑒涵可任  
悚切

東關內道

凡給支錢粒須具緣由支過仍具項款明白未  
可含糊也門下所斟酌自是法理關外行時曾

庸有用數當隨手明白爲當

東李松蔚尚書

關門安危倚命握籌此中百不湊手惟以借支  
采補幸惟注意不獨邊人之福也聞造有子母  
題風鑄百惟檢發爲關城式更荷

答王戶樞體三親丈

養來樞關之難也取盈取絀易怨膏額于常難  
雲而扣舷憑軼耽耽而過者易譁而難滿卽今  
之邊關亦若斯矣讀手教旣剔百蠹而又忤忤

于歲之不易其額不減而無過盈蓋正中以通  
矣惟明恕而謹持之調酌于情事間大約我北  
人常恐過直任心理之所在不顧利害然亦有  
害事處僕生平多落此病親文嚴而有節所至  
進行而人安之甚快甚快此中賊易殺心難一  
唐張晉國督師以一衆心而僕之督師心更分  
殆不獨力減于唐而衆安于宋耳前之所云云  
上之當事日去而下之後生日新願親丈靜客  
滿安之附謝函教之辱

答馬賈寧

國中無一人肯爲計兵計餉而日日索癡索痴  
知人以其須有皆不肖之迂拙不厭衆望而累  
於君也 主上聖明自有主愷卽當事無不悉  
就中情事而又念風略者願安意靜俟爲朝廷  
愛此身耳珍重珍重

答馬總戎

此河等時向何等人作何等語非所望于大將  
軍也鬱鬱容面談

答通州道鄧環丘

潞陽地重而置兵不獨急堂與也其于飭嚴將  
士建威銷萌給以澄清之餘略矣大旆假臨新  
旌變色重地尚有長城哉久佩風猷接函爲快  
來涉兄無恙乎附問

答山石道

諸將有材膽者常留爲關外用聞之以它岐王  
爲向者笑人乎門下外內俱重可旋矣諸將餘  
之液射打明偵探擇細心人察詣髮種種者

若干炭若干磚若干門下向所計者似未得一如識也然亦曾有可見之數乎衆口數數何以給屯田法覓何如

答岳石梁

誰欲裁督撫者欲合督之任重撫之權或可并力齊心以安殘土耳硬予之以所未曾而曰裁督曰卸擔曰漸圖居密夫世豈盡聾盡聵而抑豈不聲不賸今天下秋毫不結于人而孤立行一意能乎然今天下不孤立行一意而秋毫求



結于人能乎公論何時不在太平竟未有期吾輩身爲大臣言可盡則盡力可竭則竭至于盡言曰翹人過竭力曰徒自苦而世有一種奸官還我爲之者曰是迂是腐此等寧有氣餘乎公以真肝膽實爲朝廷而奈何輕言去讀大疏莫然

東畢倫部

劉參將永昌東省之敘二級而得一何也有綱  
來盛唐以遊擊骨參將事高見以西叙仍得進

擊而未發戰陣者衆衆若若矣永昌與有節制  
卽其人亦自有風尚今議留其兵將爲關門用  
固台臺注念關門雅意也而其兵不足二千特  
以驢子勛兵及毛兵請益永昌欲得合爲大營  
耳毛兵尚有幾何統希酌發爲荷

答廣寧道

關門何人不遺口語獨有平定全遼或可少免  
而以今日胸臆卽平定當亦有言而平定何時  
幸門下仰體 聖明鑒注未敢遽強出門然切

念此地此時當不得久居私寓也有懷耿耿  
倚爲切

東關內道

歲云暮矣計切耕事然令人心悸擬一示未敢  
卽出煩門下與鎮撫商確倘不妥無嫌往復以  
圖穩便諸種統惟速計

答昌平部鎮道

念惟神臯歲月又已更新荒塞旌旗未堪變色  
俯慙屏瞻冰深折解之思仰接璫函特切問舟

之。敢頌大賜。遠介孤踪。敬璧謝。

答陽和王總督麟郊

猥以結膽之屏。當茲重地。亦唯是長城在望。無虞震鄰。則北門之鎖鑰。精堅耳。方今西虜既開。東偏相顧。不復舊格。終虞倉擡爲攬也。安得借大經綸五日。了此哉。附謝不既。

答畢陽督餉

坐而待哺者。不念持籌之苦。如騎稚未知約口而噉。噉疾呼于庚索也。言之可勝慙。亟讀大疏。

再接函教其于以恤此殫人也析秋毫矣台臺  
不憚悉力以爲邊人卽邊人何得不自爲以仰  
體維抵之恩真切

答于念東開府

伏念 主上慎簡元僚若弄印以待而重予之  
獨雅重明德畀以節鉞豈非念百二名區文武  
重地索全材附之耶固知宸心難愼微獨重名  
位也抑重地以重人耳自昔大業多起西隅全  
天下負韓范之畧永特達之知而適當其地難

安獲之業中外其式賴之文吏尚得擲管絃盛  
美也讀翰款念周鼎甚于防菴虜計關以西有  
益祝多陵速附言與惟塵灼不盡

答郭光字繼輝

當雙鳧東下未得一握語爲歛計鳴琴乎神山  
渤海之間且決歲矣挹清節于孤峰想慨澤于  
白浪遂以歷囊沙之雄風而并收焉洋洋巍巍  
之詞意四履有環應焉蜚英騰茂蔚薦旁達在  
粉榆者日望夕郎之佩矣別諒敢不如摘第台

文章以人重而望微如某者能爲台丈重乎頃  
出塢東更與研北陵遠不盡

東涇陽令馬年兄

念鳧鷖西來遂成間濶而郵筒惡不得聞問頃  
獨得載心兄蒲葵詩耳老年文蜚英騰茂浹于  
鼓下不獨甘泉冶谷間誦統如也二三兄弟竊  
俟夕郎佩于春明矣研北快魚鹿鹿如昨無足  
涇必琴也

答田平楚

兒輩遠承勤念而竟負雅望也近聞白鵝更入西巖錄令拍浮塵埃者南望歌張平子四從也此時此論漸明無復向時矜焦爛盡忘徒薪之功者矣山中雜諫何得不以示弟子

答梁古齋判官

聞年丈清操幹局雅爲當事重也喜甚願年丈始終一清字乃足成其材耳

答鄒一齊雲建昌太守

念紫馬馳江右旣及三年而課吏安民諸治狀



遂爲天下第一寧獨表江右百城哉 王上嘉唯  
良而安小民于田里亦唯是鹿車是倚尚有  
大擢以昭顯陟車蓋會且高矣潦倒蟬蛸者每見  
三事攢眉于不可爲而輒謂師帥可爲乃更歛  
大有爲于年兄也

家書

弟前因李家偏詞遂極意勸二哥誠恐有累一  
向養重之德且念它爲鉉侄親家此敬其親則  
彼亦敬其親子侄等乃可聯屬成一家願二哥

念想數年來入門何等安靜德望何等隆重又  
想數年前橫遭一人辱豈皆他人不是總之我靜  
人自靜我重人自重我原無過人卽疑我辱我  
父當自明自消且省事省心養自家德福積子  
孫善祥亦可教子侄相和相厚至于閑事必不  
可管閒氣必不可生子侄有不合道理者而教  
之教有不從亦當如天地含容草木夫天地豈  
與草木較多寡哉願二哥清心寡氣看諸子諸  
孫讀書閒暇時同老友說今道古有客到使隨

菴菜酒笑語卽諸侄過活亦不必替它經營古  
云心閒卽是仙第所望于二哥者如此夫兄弟  
如手足豈有手好而足不願足好而手惱者哉  
第于兄弟子侄間苦口苦心正不欲外好裏差  
正不欲此好彼歹也

答劉中丞如綸

藉羣公之力猾猾四年尚以虜遺君父罪足死  
乎更藉羣公之力以存封疆終倚有羣公耳願  
羣公奮爲計禦丁此局場庶儒從來不願居功

中貴人來自是還人倚借爲用但無抑之爲  
高無順之爲護惟是貫通中外接濟給足此邊  
人之福也任吾好平當自有就

答督師王任吾

念惟文武壯猷蔚爲世礎 主上安京國以安  
渝關是以有白檀之命今且安渝關以惠此京  
國其所藉固固恢疆自是社稷遠計獨念四載  
特憚不蚤借新旌耳衰病腐儒伏聽新綸殊瞻  
然歡起而忘其談謹也

答湯陰李令君

以彈丸下邑仰藉高賢蓋鶴山蒞水待高深焉  
至卑宗二三孤子荷在乾覆遂得比于怡冒而  
孫輩更荷陶成將先大理矢願結哉衰病腐儒  
何日扶策而南一撫光塵也

東李元治少詹

日侍帝學無乃爲勞然勞一身以安天下知此  
不願之矣

答蘄縣令吳公

腐儒徒抱肝腸耳荷戈未能退而秉耒所賴高  
賢大良擁琴下里遂得兩地二天三異一同踈  
蹇衰病且苟此視息于丘壑卽殘廢以來未敢  
通問而實受其福矣

答滿都督

以大將軍勇略爲方今第一名將不宜在閒散  
然中外無不知大將軍者聞且仍往關門便當  
柔和性氣安其身以仰報皇恩大將不難有  
功而難居功卽人不盡知我功或人欲冒我功

姑且聽之天下後世自是明白不必一一着念  
僕一嚮都用此道受用大將軍可念我相愛之  
言凡百謙和忠謹便是大將之道大將軍清貧  
與我一般何得遣人問我

答沙縣令解門人學燕

以高材鴻略展措名城大政旣成鋒車且至  
儒負病便從丘壑中望鐔津劍氣光起沙源也  
日念廢殘仰辜明主正倚名豪酬此短鋏耳  
坐使問信遂恹離懷附此謝不旣

答閩鳳陽少司馬

以擎天手靜綜百花嶼上是社稷以經綸寧獨  
同襟之藉頃者勤方召于中樞正有深心惟年  
兄無忘淪海之波臣也將中外式憑之卽嚮者  
代斲腐指欣欣向榮矣支離病骨抵里加衰獨  
有從一丘一壑中讚誦明猷耳

答舊令公唐

支離病骨生入里門殊悒悒千棘叢鸞鳳更罹  
網羅也獨廢棄散材無堪爲念耳



答仰二親丈

阿鴻蜚天去矣金昆得無意乎客類多以應龍  
天蜚也願親丈以紙帷作墨帷耳水晶盤更以  
餉遠念此爲感哉

東李元治

里中俵運每藉爲問寺言適邑父母具言親丈  
而更以僕爲屬要以邑小費繁爲我父老子第  
存生計也親丈或可于相知及之丘壑中人共  
借爲安不肖衰病中間衆事憤懣欲死但願容

人自存方略便是太平機括耳

諭楊副將

中外爲將軍舊守地去將軍墓舍僅百里可一意爲地方計久遠要知日日整練兵馬日日圖謀恢復乃可爲守如聞警便怕不聞便歇曰我只爲守其何能守惟將軍念之抱病歸來今且更病無復能爲天下大計矣

答管關主政陳令威

以所傾心豪傑而未能稍登豪傑之用又況乎

瞋目豪傑者念開濟深心自不忍世人耽于官  
而當其嘔心爲話不以聽也其奈之何腹之于  
邊兵之于虜尚有厯豪傑之憂者乎吾兄當一  
意了闔務耳何如

答禮垣葉君實門人

腐儒竅膽無能滅此朝食而苟焉視息洪焉死  
矣蹣跚歸來自念嚮所部署未甚錯乖獨九月  
杜扉漸離公署而撫鎮奉中樞之議撤外國內  
不無更張何至後來咄咄作驚人鳴也腐儒不

能滅賊便自可死寧須別加耶從來不願分辨  
明嫌以有它腸乃門下體念敢不略爲明白然  
不必向人言也

答杜總戎文煥

以兵鈴半料便可尺箠走名王而分東西乎守  
則遼皆關也出則關皆遠也一督兩撫三大將  
軍機軍實而予之餉再得廟堂無爲邊人設方  
略也憂匈奴哉讀三授四登之詠其寧負此兵  
鈴乎勉修世業仰報 明恩卽丘壑陳人望風

獸也

答尚書張

每擬起豪手于檀以振家猷遂以弭時難而我  
躬不遑徒有振腕不圖嗣後紛紜也盛德大業  
海內昭然况 聖明在御大道爲公安得以私  
心饒口掩此一段公案哉僕抱病頽簷自謂脫  
要人網羅爲快而偶爲一二齒及者遂致多口  
頃以頭陀語答友人云官人有好光景便有不  
好光景等待在出家人只這等吾輩當學個只

等且可爲兄發一笑也讀種種言心事如白  
日但耐心聽一切風濤會自倚息也

答唐令君文安

僕謂徵書便及里門乃更蜚鳬舄而仍靳雙鷄  
聖明在御若或尼之何也反覆歎惋殊切  
忤忤然吾輩處世寧使世界負欠我便自寬碩  
想豪抱不作忤忤

東潘學道舊令公

念小邑以枳叢栖鸞鳳也遂得比于一同卽後

來豪手或不能頗易規畫挾所已解擷所已葺  
數年來于食有福則喁喁頌德愛無兼量乃丘  
壑腐儒更仰明德每讀題稿大敘至乘閑數椽  
未嘗不三嘆同心蘭語也世人未悉殘廢之人  
無復世想而誤相猜恚想爲同襟一喁喁乎兒  
輩式于呬召尚猶戴笠策蹇行逕獨未能以學  
問比成人仰副德鑄耳

答仇負外門人

讀誰閣稅議遂悉通商裕國大政蓋方今財用

爲國家要務而急在國便緩在民安得兩不病  
爲鮮于侁如門下公忠慈敏哉腐儒旣絕世想  
而一流人以爲可遠有一流人以爲不可總之  
旣絕世想寧念此齟齬也

答岳石梁延綬中丞

方今取虜大略以款爲羈而兼剿乃堅款台翁  
以東結了西撫故絛紃易就也延卒舊固難馴  
獨以節貞丈人在遂且忍死爲用耳此自屬中  
樞老手而建挿兩首終待老手是丘壑中日望



以安此丘壑耳胡不中樞而議跋跋也 聖明  
在御蒲坂翁且至矣解結宜鬱平此偏枯其在  
斯乎

答玄給事

當壞敎既深驟調大化自是志銳望急而一時  
人材止是如此那得立搆太平以奏階阼者正  
恐九陛孤高舉世無以應其求或有一流僂巧  
持富強紛擾天下者是亦盲路所關心也門下  
靜觀時宜固辦此矣丘壑陳人自謂安之無端

於世人可可否否然丘整自在也惟待台衙爲  
我以安此丘整耳坐使悉興居爲快

書請繼兵

方今以門下忠勇有大略特擇世人所難了者  
借大將親敵以緩靖之其舊所緩靖者不妨以  
其精壯者爲之此朝廷所爲善將將也門下勉  
廷大業勿念難易勿計勞逸人臣以身報効朝  
廷知有朝廷而已勉之勉之朝廷終不負人也

答易兩道沈兵備

曉鼓如樂仰倚台衡想憲府之清凝快頽簷之  
輕暖一氣未罄百惠仍嘉保不倦之隆施以心  
撫以必施矣

與陳夫名

世界平治須先爲平治儲豪傑由今計豪傑柄  
用將殆世界平治時耳出處與隆替對豈不真  
嘉祥平讀大對具經綸遠手政平治所爲明略  
也意當初初便且耕天而猶編鐫十餘頁背天  
而九萬也正以隆替對出處耳嘉祥作用天甚

緩丘整中人須臾尚及見之

谷張廬體

念金昆玉季以兩地棠陰莊我丘整遂令鳩筇  
馬竹日在清泉界也盧龍之頌倍于樊亭今且  
應湖微乎環瀛之滸三異十奇再見摩天之羽  
亦神事華事多事也

與陳失名

方今紫微赤旬仰倚明猷乃金馬玉堂亦復輝  
映中外既季方躋躋洗林似不分鵬摩天固

知縣林盡琮將陟羣玉峽岬而目駭心與相慶  
德門嘉祉闢國運隆治也修方名之業以術社  
稷而取二龍于天衢用兩用靈作術社稷之略  
熙朝功人哉丘壑人寧獨爲一庭快也得種種  
書讀之入丙夜乃又登羣玉峰頭快一庭之多  
奇

家信

寄商莊令銓

鉅糧既有明示開徵便可如期速完一半勸諭  
一半嚴督自是官方要務百姓必且難怨上官

必目分明自前官亦難致辭上司差人既循法  
度我便當以待上司差人道理假以顏色灾民  
納錢自是委曲慈愛但數如市數八十五文易  
銀或難又致等行有怨或收頭多索于八十五  
文之外更致繁言此又當調停要使惠及貧人  
而勿妨它人斯善耳俸銀不必分來媳婦可安  
心大家做清官以清官爲孝三公不易也我兒  
大家勉力爾于應接要合禮法語言象數勿露  
世家之色令人窺我淺深

答武邑諭郭生居行

兄教化大行惟是令門人坐春風不必嚴立雪  
也想做子弟時便是做師長耳

答湯門人

新城之功遂爲天下雄而績敘不聞何也庶其  
積階以填撫斯人乎歲月又新陳人自陳耳賊  
退殊不見州邑爲備得無以勞人未有殊渥乎  
何不以守新之役詳錄以詔諸長吏

與南兵樞范質公

年來計台榭所及一則親密而聚一則專獨而  
要至于既重且大既危且急則兩地頓關世界  
自非經綸天地之才其寧一手幹旋而以弱爲  
強以危爲安直令忠而愚者釋其愚奸而庸者  
悔其料而不得樂其灾乃明日之大人擊節曰  
固知有是社稷之役哉往代兩老子固經綸手  
不知于此何如至于緩危圖安抗議定謀破一  
切庸狡之猜揣而維根本大計則又往代所難  
比日來朝廷知任最得着之盛事竊爲熙明誦



之而世有不知然世有不知所以爲豪傑乃此  
際所關大矣倘其不知之言一行世界將何如  
國家萬年德福當無是耳中原一片聞控弦竄  
南聞鳴鏑竄北乃若不潰不緣匪莪匪胡莽戎  
而冠沐者猛發而監人遂無可竄然則抒威謀  
而靖世勢舍名世經綸手而誰望哉丘壑中人  
無可爲計獨有日祝  聖明用豪傑正人更祝  
豪傑正人着着得力能爲  聖明用耳

與蜀撫傅元軒

聞流氛之入秦也將無聞先聲而遁乎警鶴  
尚喚合烏待懸于以靖所未靖虞所再虞當重  
殲歟念也既歷險以入險更出險以歷險而入  
不截擊出不追擊入歷出歷曾不一扼擊寓內  
險要有大千川蜀者乎當是兵分而不湊權分  
而不一遂使結膽不張合籌不定乎大豪傑握一  
尊以整戎旅而用蜀備蜀將膽開于神籌預于  
識類國家大業其式憑之任豪而弗參弗貳天  
下自此定乎

與湯陰家書

處家要和睦同心既有參差卽分居亦省語言  
但要萬萬忍耐倘家不和便有不好人易久語  
言以致家道衰敗任年漸長可惡切面家間申  
明此語

答人論地方戢守

古今之舊卽不汙萊卽不顧覓亦不足守而此  
戰蓋賊以千萬衝一口而我應以一口之設備  
况敵而遁耳不見冷口舊令之人出乎世人

堅守賊帥當百千斂虜之法而不依其車遊獵  
截應援量遠近險夷爲率然首尾應聲而至奈  
何真保自當增兵除向來戍守合保鎮戰兵以  
鎮整練額自爲戰守似當于撫道各統萬人以  
三參選驍勇者分鎮之驍勇自可入敵而無道  
又可提攜不至持鉢于鎮視賊從何入卽就其  
近地截殺仍隨所至爲應援不然新兵止可護  
新入舊兵止可護舊鎮撫道張空拳而同責任  
于旣州邑當有其可戰守之實兵實餉不宜以

半餉不餉之鄉兵爲掩耳偷鈴之計以苟且功  
令而相率爲死州邑不設備而勤士民守死當  
誅州邑州邑設備而士民四散及置家日于地  
方而以身浮寄遂至失陷則士民當死今試饒  
告陷之州邑其州邑士紳幾人生者幾人死者  
幾人再簡生何以生死何以死生者不罪則人  
何不死死者不卹則人何以死念此則綱繆亦  
可寒心而况倉裏不爲遠計乎州邑可守撫道  
可戰懼且驕之將立以齒劍意憂匈奴哉不飲

將以數萬兵養騎以百萬金鑿成懦節制既不  
能令調發人無可往州邑懦怯盡以一死逐  
地方而一指敎督撫大定天下堪此數數乎以  
弄九千借新刃而爲所嘗爲或有機乎此皆  
豪乎餘事獨恐秉樞之議不一而難言耳嚮聞  
尊顏爲地方瘼也此何等事而不令人瘼也然  
戰勝而肥亦在今日耳